

徐
文
長
逸
稿

徐文長逸稿卷四

山陰

張汝霖肅之父

評選

張維城宗子父較輯

王思任季重父

七言律詩

千葉碧桃花

陳文學樹會稽太守停蓋折一枝

曲巷高牆立水隈，碧桃如盞盞重臺。
倍將夜月憑誰，襲吹殺春風未易開。
清麝乍飛明府蓋，寒酥濃笑美人腮。
年年遶樹雙蝴蝶，說是何郎爲粉來。

上虞母夫人詩

凡貞婦詩不較工否，小家苦

節借文人永之亦道理事

遙思貞女存孤日何異忠臣寄命時身作秋和今皓
首光爭明月豈蛾眉坐臨鳬彩仙郎袖起接鸞裾小
婦卮此地從來仙子宅金壘咫尺似相期

白雲遙祝爲韜仲賦

時仲以貢入京五月某日
值其母生辰祝於舟中

江上遙遙望白雲江中出沒數魚群難將赤鯉供慈
母悔着青衫謁聖君燕子拂舟撩客語榴花度酒
入蘭薰天涯兩地遙相祝水遠山長那得聞

景文索送其縣史入覲

如君黃綬有芳芬、總隔娥江亦得聞、昔取鴨欄頻射
水、今從鳬舄遠乘雲、深宵巡徼提兵馬、絕谷來仙斷
酒葷、益信今來無此輩、轉于梅福思紛紛、

張太君六十詩

大君之生爲六月三日頃誦經卻葷

上壽欣逢六十年、誰人不道太君賢、斷葱自昔俱成
寸、翻貝從今總解禪、榆影北躔知漸永、蛾眉西月寫
初圓、采衣未遂雙娛意、猶喜年年侍母筵、

雪中粉圓

張肅之剪送甌中彌月尚鮮號國淡掃及毳馬俱稱景

合蒂芳英弄大寒、風吹一月不能乾、粉肥已覺垂稍

軟雪厚仍煩挂斗。國屬國節。鹿迷大漠。號族表馬。綽長安春姿。一種嬌銀海。絕勝滇茶。兢臘殷。

牛首齋罷便往祖堂獻花巖迫晡矣

從感悟

處佞佛

牛首梯縣古佛場。樓臺絕頂百僧藏。香烟一一雲中出。閣道薨薨鳥外長。三五沉魚陪冶俠。清明石馬臥侯王。却憐爲景淪貪海。帶黑鞭驢到祖堂。

祖堂夜歸 灑逸

兩地禪林一日窮。角巾面面折衝風。花枝作雪浮天。

上酒禁從誰到寺中坐指帆檣江色暗買看池館杖
頭空歸來正上南城月醉臥松根聽暮鐘

與諸生三到徐氏園得兵曹郎簡而始入

王家支庶執金吾詔賜池絕上都一水盡含飛閣
動百花半映古槎枯紛華子夏猶難免賓客平原近
亦無不有銅魚能折簡白衣無限立春鋤

嚴先生祠 氣軒眉濶

大澤高踪不可尋古碑祠木自陰陰長江萬里元無
盡白日千年此一臨我已醉中巾屢舛誰能夢裏足

長。禁一加帝腹。渾閒事。何用傍人說到今。

虎丘

杜甫蕃劍詩虎氣必騰上人言闔閭之望致白虎乃是劍精理或然也又吳人至中秋之夕競曲於此虎丘之茗佳者斤率金二兩許四句謂西子也

鞭轡高倚壁。嶙峋劍水沉沉草。樹綦虎氣必騰千尺土。蛾眉曾照兩灣顰。不勝清拍中秋夜。盡委黃金數葉春。誰記君王舊歌舞。信娃宮殿已成塵。

約觀水閣往遲遂虛馮太常飯及歸又失鄭職

方魏園之觴

燕子磯頭風日黃。遊戎校士水中央。春深痛飲辜司

馬日不怡怡清齋虛太常大樹低花遮勒短紅旗白羽寒
蘆長何從一飽饑方朔自買魚蝦入醉鄉

送趙大夫掌南臺

舊嘗爲南御史
論分宜五六云

鼎地千年計不輕特從下借中丞長江旌節陪雷
守大俠屠埋偃孝陵一道舊寒桓典馬羣公今職鄭
州鷹豐城雙劒頻勞扶解網相看是蒯繩

登報恩寺塔最上一層

寺已
火

報恩禪塔入雲霄萬歲千秋翊聖朝詎謂天龍銷
燼後尚餘鈴鐸度江飄高臨巨浸浮天濶下見深宮

盡日遙回首鄉園看不見亂山殘靄去迢迢

唐會稽以母憂歸上海

明府歸帆帶雪飛錢塘形色黯淒淒愁看水鯉橫江
臥詎許檣鳥影浪啼邑里亦悲慈母去滄洲宜着孝
廉棲野人尚有南冠滯不抱瑤琴出越谿

宋氏吟書畫冊中

持將傲雪凌霜物寫出辭脂謝粉心粧鏡幾臺妝曉
匣孤雌萬壑守寒林春秋等是吾儕筆風雅那高節
裏吟自古食魚須食鯉娶妻須娶宋家禽

送馮太常

太常官秩儼清真，特遣南宮甲榜人。郊祀雅篇親得
奏，伶官麗曲不同陳。朱壇碧柳時題壁，露笋冰鱗每
薦新。想見他年赴徵處，獨辭高廟步恂恂。

登北山小憩龍王堂遂上鎮虜臺風至颯然因

感麻總兵校獵之約

北山寺在一座石中耳

塞園宛

爾

北山高寺等浮屠，龍王高臺望入胡。正若衣鶉懷大
漠，翻思毛雪灑平蕪。長河急水琉璃濁，片石安禪

舊孤欲問射鵬何處是沙場不見有樵夫

寓宣府九日同楊惠兩鄉人集北山寺而昨夕
風烈甚雨卽成雪壤不膏故山悉赭結別
有所爲

北寺高臺大漠東他鄉尊酒兩萍逢飛花已作先秋
雪落帽何勞隔夜風百折不離山色赭數榆忽露寺
門紅世間何事非堪避安得莫囊日日縫

燈夕答訪諸君因尋百廿四歲老人末青霞誤
而爲仕閭所罵

帝城春色倍光輝。東市春燈錦作圍。白眼雙瞋遭客罵。青天一刺向誰飛。毬邊小俠穿塵入。花畔遊龍促馬歸。日仄不食渾瘦盡。敢嘲白鷺立漁磯。

馮刑部索書冊

共三首西署明刑
前刺奏最承恩春耕所重有宴

奏最者先收二
並吾鄉人也

仙吏縣魚挾珮賒棘槐。日仄出西衙。起籠綵轡垂歸馬。獨抱丹書坐落花。笑向燭邊求緩議。泣從車下發深嗟。致君有術寧遺此。莫認蕭曹但法家。

其二

專城奏課有光輝。兩世承恩曳錦綈。鐘鼓雞人雙闕曉。殿廷鸞字五函飛。高門正好過賓從。載道今聞有是非。老矣何心評月旦。不勝鄉曲念依依。

送鄒刑部出知泉州府

鄒舊令無錫取汲惠山之泉而今之寓館適隣

西清

齋館清寒舊所持。水符嘗調惠山漪。入從殿陛爭三尺。出付蛟鯨詎一麾。細遶池風聞菡萏。平分苑月醉鸕鷀。南天莫道無饒負。大海如雲鳥翼垂。

節婦篇

願爲良臣獨入一步。老杜弓矢往往

勾滿一送

縞衣綦履舉鄉鄰六十年來老此身
庭畔霜枝徒有夜鏡中雲鬢久無春
每因顧影啼成雨翻爲旌門切作
輦百歲雙飛元所志不求國難表忠臣

至日錢郎中世材先輩栢堂成同陳鳴埜朱允

中二丈燕集

主人種栢遂成堂栢大何須栢作梁
同在烟霞過歲暮獨食華實看天長
落成會見陽初至燕集那論夜未央
和酒旣非將側葉若爲杯酌有芳香

名三長詩卷一

贈徐君

號龍陽嘉靖間著叅同契獻闕下不用去其隱處留明山中舊傳仙人所居至

今火尚存

幾年應制畱西苑、晚注道書干、至尊正有神君居

帳裡、自應紫氣出關門、新栖洞壑、溪隨去、舊日仙人

火尚存、儻學捕魚來谷口、莫教失路似桃源

送劉子臣入鄖陽

纔共燈前倒玉卮、忽聞劒珮繫青絲、別予去、泛瀟湘

水、爲客正當桃李時、應泊魚鄉頻買酒、暫投江寺一

題詩、卻憐不得長年少、何事年年長別離

潘承天介飲

明霞淡靄釀重春。盛典高張禮樂陳。聖世山中歸一
老。園橋席上第三人。定知國學他年誦。且試庖烹此
日珍。燕罷蹄自歸路。小嘲茆屋有垂津。

芙蓉

一花流采著書邊。五寸芙蓉二月遷。側水羞生初試

鏡。啼紅嬌殺未笄年。叢藜惡棘穿根切。大柳深江浸
癭眠。戲取世間閨閣事。權題霜色屋梁懸。

菊花

待文長送君入卷四
曾是將軍蒔菊餘。尚遺秋雪一藤癭。籬香伴酒經三
主。錢樹塗銀散五銖。往往抱霜冰。夜蝶亭亭插帽朗。
晴。萸落英。又道堪餐甚。坐看柴桑一事驅。

芭蕉

蕭然長衲綠衫翁。聽雨勾風事事中。大葉儘勝摩詰
雪。高花那定美人紅。卽卽霜露秋牆委。亦伴椒脂粉
辟空。一樣連宵明月影。今朝先缺兩三叢。

玉簪

玉簪抽影暗差差。半口荒堦無盡期。小婦將花曾抱

粉饑人望葉擬挑鴟紅芙蓉胎雙俱映綠髻搔頭一
不施定作蟻蟪根葉想化爲蝴蝶等兒嬉

萱

吳刀斷水水難分藉景憂憂轉頻丹棘空長薜蘿
鹿白頭猶見倚門人漸鄰惡雪屠冬候別字黃花授
饌辛葉上有蟲秋唧唧汝南傷別北堂辰

藜

笑將一幹嘗妻兒病骨饑腸兩責之多事去燃天祿
字安鳩來過老人眉山林猛獸今誰是早晚繁霜正

爾持他日短長憑杖者人間數尺紫玻璃。

雞冠

百葉秋臯盡一飛霜天孤爾伴鶉衣錦纓未闢知誰
絕絳幘初籠聽漏歸同腐憐儂終草木高顛學鳳自
儀威少翁枉有彈塵物半向南山額上巍

山查

如聞海鳥不宜牲亦似山查便堊生紅後滿村量雀
卵秋來偏此只風聲對苹人馬傷孤抱種豆遷談少
一甥來往細腰爭窖蜜莫須移浸與東陵

菊桃

舊欄東畔野葡桃，亦是張騫大宛苗。既取夏陰飛作
霰，詎嫌秋蒂疊如椒。月蠕牆影霜蛇去，風引藤香瓦
獸飄。付與荒堦隨意係，猶勝惡棘壞蘭梢。

土菩提

菩提五樹百顆懸，但策西功最爾先。點檢小魔空黑
且糊塗，大事有青天。雀觴暗向珠邊結，舍利難飛灰
後燃。相伴荒塗行不久，維摩示病已連年。

咏櫻桃花

滿城花發不知冬，閉戶經年筆牒聾。
剪送海棠勞及我，折寄櫻桃笑殺儂。
雪打霜披應不免，粉腮胭頰爲誰濃。
昨宵况復狂風雨，枕畔驚聞折箠龍。

壽沈參議南湖

沈翁宅近驛祖道之所而饒孫子

范蠡城邊暫駐師，喜逢上壽薦芳卮。
分符今忝元戎託，出宰曾蒙國士知。
門外碧湖開祖帳，堦前玉樹遶孫枝。
海天應有青鸞便，願得年年寄頌詩。

謁孟廟

西域流沙墨翟徒，東河虛器寄遽廬。
齊梁本不求王

佐鄒魯聊歸闕野狐百楚檠題驚鳥革累朝霜露老
誰跌景春自是真兒女錯認人間大丈夫

馬氏白鵲

何來白鵲乳雙雙馬氏才賢應季常練氣橫空從樹
抄銷門織羽翳書堂倍宜刺史停春餞懶學燈花映
夜媚宮錦雙鷗君自有薛濤取繡校書妝

應李以賞歌姬

遇雲清曲纍明珠可是佳人獨立餘延年妹比昭陽
燕西子人看鏡浦藻內院新妝應墮馬湖州水戲定

沈魚近聞劒氣新。雄舞邙得還來助艸書。

送妓入入道

盡出花鈿與四隣。雲霞剪去厭殘春。暫驚風燭難留
世。便是蓮花不染身。貝葉欲翻迷錦字。梵音初學悞
梁塵。從今豔色歸空後。湘浦今無解佩人。

和玉芝上人蘭亭詩

茂林修竹舊相傳。千古殘碑野艸湮。碧水曾聞王謝
語。青山不異永和年。葉飛錫杖峰前路。樵指流觴澗
底泉。回首雲門孤月上。清光遙送鑑湖船。

送張子蓋春北上

離筵驛路正芳梅、騎馬聽鶯是此迴。
舊日繻生關吏識、新年羅袖內家裁。
澤蘭把贈携春色、苑杏留花待異才。
卻說涸鱗縣尾在、欲從天上借風雷。

賦得紫駟馬送子蓋春北上次前韻

紫駟嘶嘶驛亭梅、紫色翩翩燕共迴。
不用連錢千箇剪、祇借葡萄幾點栽。
桃杏滿堤衝雪片、烟雲一道本風才。
要知他日飛騰處、試聽蛟潭夜半雷。

聞張子蓋

廷捷之作奉內山尊公

自王公佐狀元及第

至干君
只三人

山陰豈少攀花客、最上高枝更絕倫、南宋到今知幾
度、東風分付只三人、傳書向國驚先輩、有子明廷慰
老臣、想見當年清夢裏、是誰親送石麒麟、

其二

向來廷魁多讓江右至君始與之
相當君第時共先壘鳴吼數夜

曲江能得幾高枝、得意新郎又會稽、三駿連年空冀
北、隻蹄衝曉破江西、淺沙鱗介號懸水、大壑風雷吼
瑞泥、何處彈冠應有客、心知不爲舞虹霓、

子蓋太史之歸也、侍慶有餘閒、值雪初下、乃邀

我六逸觴於壽芝樓中余醉而抽賦

江城小館共飛梅笑值高樓向夕開百鳥投林天未
暗萬山戴雪月將來盤堆藕蕨供我飲字縮龍蛇待
律猜明日兩舟乘興至宜與令尹煮茶陪

董堯章謝國塾歸塾其親送之

葡萄綠言酒也見主人設醴以

待也

異姓侯王有定襄爲君東道卽兒郎不因卜鬻愁崩
雨何用穿貂必冒霜車騎殷勤虛左席榻塵容易厚
高梁明年二月葡萄綠莫負花前設醴香

盛泰父苑西艸堂得聲字

北走胡而南走越盛本吳產以北上愛酌

客而
索損

太僕街前萬馬鳴。野人門巷寂無聲。徑邀鄴下才賢入。共醉吳兒拍板橫。一匣黃金傾北走。半牆紅樹出西清。年來四海浮萍席。幾逐棲鳥散鳳城。

送馮永豐之官兼領歸省

但謂家園倒玉卮。寧期燕市掃玻瓈。正當菊醕堪持蟹。無奈魚腸去割雞。父老爭看懷綬錦。羹湯尚及煮菱蠶。晨昏豈少高堂念。迫切江舠候吏催。

飲季子守海棠樹下作追壽其六十

時尚未子
長沙師嗣

君

信哉廉吏子孫賢。僦住將軍種藥廬。試問海棠經幾
閱。不知今夕是何年。一枝粉靨人俱麗。百蒂紅絲雨
竝懸。醉與花神爲約去。孫枝還看大如椽。

宿全道登城北高臺值雪

迢迢全道枕重邊。高閣登臨倍黯然。百灶營烟明可
數。雙譙蝶粉遶能圓。偶逢飛雪關山杳。漸近浮雲帝
里連。莫訝金湯堅若瓮。昆陽城小古來堅。

鳳皇臺

臺今爲苑國所圍

池館中山稱最繁。題詩紀鳳自開元。翻因一片荒臺
言臺以詩人起
土直賤千金。沁水園柳色條條。通御氣。梅花梁梁隔
高垣。三山二水無由見。風景都非舊日言。

李長公邀集蓮花峰

五六實事

萬山西去翠濤長。特挿層峰菡萏黃。止與將軍橫一
槊。翻疑迦葉坐中央。頻傳鸚鵡籌長袖。新買韓盧獵
大荒。昨夜邊西聞挿羽。幾回乘醉拂干將。

客有爲留春詠者亦命賦之

春去春來何所之。春花隨雨亦全稀。黃金大藥終難駐。紅袖嬌遮晚更飛。忍唱驪駒催客去。欲馮啼鳥喚儂歸。年年此際腸堪斷。何事東君好別離。

盡社咏畱春者並函寄復賦二首

社壇高咏集精藍。大塊青陽儼去駟。聞道沉酣劇河朔。只愁風雨送江南。筵前肯放勾芒轄。嫁後寧燒玳瑁簪。轉眼城南桑樹下。更題少婦遶饑蠶。

其二 悲感恍惚

西施石上老紅茵。賀監湖頭欸綠蘋。去妾猶能啼故

主風光應亦戀吾人。天涯一燕啣花轉。酒畔雙蛾對雨顰。併是斷繩千尺井。大家無計挽銀瓶。

金剛子珠串

金剛百子寸絨排。携向叢林戰始開。梵底波濤生海壁。鬚根琥珀映鰲腮。珠遺象罔收非一。棘取猴么鎖鎖乃竭乏之意。似言削盡也。盡來最好可師無臂挂飄然推下講經臺。

四山樓詩

深巷雙門夾道隈。烟雲斜日倚樓臺。簷扉四面空中

啟山翠千重，窗裏來小座。客臨看易滿，匝簾鳥下邊。
能回卻言月夜宜清嘯，秋半應知上幾迴。

友人索贈劉府公以剿寇受賞

曹史分符夜正中，傳餐破敵曙初紅。經營聊試材官
技，賞賜先歸指示功。鄉里徵兵連歲盡，郡邊臨海一
潮通。眼前世事誰長策，此日東南獨倚公。

會稽訓吳先生母九十出冊索題

瑤池寶籙授長生，九十聊占上壽成。就祿官衙隨地
往，承歡綵服幾回更。筵中已覺留春住，燭下猶能記

夜行自喜當年曾教子、白頭親得見傳經。

推府韓公生日友人索贈

韓開中人

羽觴薦壽儼瑤臺、况復人從函谷來。兩度關門占紫氣、幾年仙吏住蓬萊。官庭艸樹宜春日、法座星辰接上台。更羨于公陰德在、高門留取傍雲開。

過胡汝宅留賞牡丹

芳樹丰茸何歲栽、對人不語向陽開。頻年此景無多日、好客相過問幾回。寒蕊正宜催羯鼓、高枝偏自映金杯。醉餘誰復論朝暮、待爾陽臺行雨來。

送同府潘公入

覲

潘公陪赴利諸生宴請謬期渭罷歸至是送公入覲

早秋猶記赴明經，宴罷相期在此行。
又見樞丞隨隊入，真慚束帶下階迎。
驚時已是趨朝候，戀別難忘秣馬情。
共在陽春無可報，况逢知己許平生。

瑞荆篇爲新昌尚賓呂君乃弟賦

荆樹雙標瑞應期，與君兄弟頗相宜。
竇家有子皆丹桂，馬氏何人非白眉。
拂帶遊絲縈一本，催花和氣遶連枝。
他年會見高千尺，問道兒孫幾葉垂。

十五夜抵建寧通都橋玩月

城西日暮泊行船。起向長橋見月圓。漸上遠烟浮艸際。忽依高閣墮簷前。坐當林樹看烏遶。望入銀河與水連。久欲乘槎問天上。幾回津路渺無邊。

送吳學師奉其母太君還南昌

鄉思偶憶越人吟。就養還嫌非母心。萬里江船歸白首。孤亭祖帳集青衿。家連南浦飛雲入。門對西山積雪深。想見寒宵燈影下。笑牽兒女進溫衾。

和樂堂詩

諸暨楓橋

堂敞群山紫翠中。一門和氣暖融融。每看霄斗縣從

別有春風來自東。萬里雲烟圍檻桂。百年枝葉老
橋欄。簾櫳笑詣時時發。莫問瑤臺第幾重。

題翠華軒卷

楓橋先輩有風流。玉軸文池鎮綺樓。山水大觀凡八
咏。人家喬木幾千秋。黃絲暗縫江。柳。三。面。不。深。了。雅。偏游蠹。白雪吳綾半
織虬。俗眼燈前從古忌。賢孫隨處好藏收。

寄答汪古矜

汪微賢也
有忘鷗園

少陵鷗鷺喚不來。汪家鷗鳥了無猜。非關野老能爭
席。自是菩提無鏡臺。范式雞償明歲約。羊曇泪是幾

年哀會須一哭胡司馬共踏黃山頂上苔。

柳橋不知誰氏園舊有梨樹六株花甚盛余每
當月夜坐觀移時擬買之屋而扁曰香雪園
今歸誰氏梨且斫盡矣

六樹梨花打百毬。昔年曾記柳橋頭。嬌來歷歷西施
粉。冷伴年年燕子樓。不受三郎催羯鼓。好當一夢入
羅浮。今來斫盡誰家園。辜負山人扁額休。

賦得城山篇爲林諸暨公別號

郎官身本是長城。況住城山得勝名。遙憶諸峰當戶

列應如百雉帶雲平松蘿自記經行處大石終懸宴
眺情寄語移文艸堂使他年身退待功成

次韻仲房瑞雪之什與方衡州大夫并呈幕府
占年未慰三農望禱雪真懸萬姓憂稍喜瓊枝擦碧
漢轉看銀海映神州隨車細片疑飛蓋撲馬輕團類
打球壇畔班行應共訝天心原自答君侯

禱雨詩友人索頌邵府公

使君憂旱禱星臺走拜衝炎去復來撲馬忽飛晴晝
雨迎龍先帶碧潭雷憑將素履通三極不是臨祈灑

一回總謂承膏無寸土、分涼猶到讀書齋、

詠冰燈

荆川公韻二首

盡於題外取神咏物推能手

第一

夜堂流影倍生妍。刻掛誰乘索未關。燭暈只疑杯水
抱火齊應落數珠寒。薄輪逼。嬾清難覓滿。魄生花洞
可看。復道餘光能照膽。卻令遊女怯追歡。

其二

五枝叢裏總稱妍。徑尺能消幾夜闌。對日水晶誰取
火。生花銀燭自禁寒。共燃始覺琉璃避。但掛還將雨

電看無奈陽和消。作淚向人筵上解悲歡。

落花 四首

二月初歸三月來。千紅萬紫不成開。繡偏芳艸時縈帶。灑向粧樓欲貼梅。殘暈祇疑啼鳥雀。輕陰半是隱條枚。因風吹上高唐觀。爲雨爲雲在楚臺。

其二

少時片片睇初明。多或紛紛數不成。北地佳人元獨立。大堤遊女本空城。乍依天上綠絲駐。定下風中到水凝。開謝莫言機太速。乾坤何物不枯榮。

其三

西園蝴蝶戀芳辰。南陌驕驄蹀綺塵。態比驚鴻還讓
色。粧如墜馬不同新。非關塞外吹羌笛。已覺寰中逝
早春。寄語隄邊遊冶客。明朝還得藉青裯。

其四

楊雄宅裏積初饒。衛尉園中去漸遙。總謂異開還異
賞。其如同謝復同飄。雨從講席天將散。綬向房幃
麝共消。便取明皇催羯鼓。流聲何事激空條。

送葉公子歸同安

阿翁門下傳經客、公子堂中講課人。半席不分閑、幾語幾年同。是弟兄親、遙憐攬轡還家日、翻憶趨庭問禮辰。何事匆匆易爲別、心知龍劍合延津。

題某名卷後

高賢名筆幾傳留、偶向君家匣裏收。此日人猶甘北面、當時地亦重南州。經鋤臥柳終身計、軒冕浮萍一葉流。無限衷情呼不應、瓣香終日對悠悠。

芷齋

讀書往往荷三餘、種芷爲齋扁芷居。供眼色拚輸藥

團、爍、班、香、定、入、方、書、爐、飄、海、國、旃、檀、避、座、滿、嘉、賓、蘭、
蕙、俱、從、此、下、帷、重、翫、易、不、須、更、蒸、小、蟾、蜍、

項羽戲馬臺河滸留侯祠雲龍山張山人天驥

放崔處 僅爾撮合

千、古、徐、州、雄、楚、西、多、援、舊、事、嘆、當、時、大、王、千、里、馬、誰、
得、山、人、一、去、崔、何、之、產、蛙、沉、竈、年、年、水、辟、穀、餐、露、歲、
歲、祠、曾、見、蛻、蠅、還、食、不、留、侯、未、必、降、庖、犧、

呂布宅 有序

布妻諸史及與布相關者諸人之傳並無姓

又安得有貂蟬之名始村瞎子習極俚小說
本三國志與今水滸傳一轍爲彈唱詞話耳
又山根一小砥收兒指爲布妻搗衣石以妄
遊客○布馬名赤兔爲人盜獻于曹然布之
敗非關赤兔有無也○布以斥陳宮策聽妻
言敗操憐宮縊之養宮母嫁宮女亦幾活布
乃奪於劉不忍殊刑假同宮縊觀此則知布
妻終免囚跣裴松之奉宋武命注陳壽三國
志乃沒布妻事兼沒其姓名

將軍納策正移師、少婦牽衣惜別離、若使爲孥倍音陪
言縛之、縛虎爭如仗劒、送烏騷、貂蟬小字從何典、砧
更急、杵寒衣寄阿誰、弔古老狂無美刺、卿家何壁可題詩、

其二

人皆爲布罪蛾眉、大抵蛾眉見若斯、赤兔不嘶連夜
朔、白門猶望百年期、贖歸沙漠中郎女、嫁與邯鄲厮
養兒、兩者祇須半行字、不知何冗奪松之、

九月登戲馬臺

臺始於羽宋武當九月嘗登臨六朝以後多

取爲詩料。余故特再咏焉。宋武劉裕也。孫恩
寇會稽。將及山陰。武以長刀奮殺數十人。恩
走海山陰。幸全傷蛇。見本紀。

宋武經高酣戲馬。侍臣陪宴。話傷蛇。金釵各帕風吹。
落繡帽。親宣菊。揮斜。感慨長刀遮敝。邑悽涼。短褐弔
官家。欲沽一滴澆行在。挂杖無錢。何處賒。

嚴灘悞

并序

幕至嚴灘。客有及子陵先生者。輒嘲之曰。老
漢捏怪。終年著羊裘。老。腴寒病耶。呼筆札來。

番舊案不兩句而石尤起舟幾碎擬牲往禱
恐遺群吏笑偷取兩句灰之誓于江曰亟歸

當望禱

既向東洋罵蛟母又從嚴瀨諱羊裘天教風伯爾休
往膽落溫郎他自收細艸免冠羞下馬大江投札許
沉牛客星久矣眠天上誰管驚沙打石尤

馬策之成失挽一日自作小楷千餘腕幾脫遂
感昔日之勞挽之

幾年燈火共熒熒此夕孤燈照獨青馬氏白眉顰夜

堅荆軻一臂失秦庭翡翠有魚提換參麒麟無夢

添丁馮誰去買太湖石爲勒元常墓志銘

贈小王魚
二一翡翠

玉

送白君可赴葬劉刑部

白好客人呼爲白孟
嘗餉我鴨酒索祭文

君到劉墳艸未長解將佩劍挂劉郎空橐屨歸蘇季
子、遮道爭呼白孟嘗、水掌乍肥鳧正貢泥頭未破酒
先香餉餘索我薤上露和淚隨風灑白楊

送楊子甘復之京

楊父客歸
必展墓

我賓爾主各匆匆北去南來等斷蓬何事得無長太

息此生寧有再相逢黃塵敢避驟蹄蹴紅淚初乾馬
驚封不但別離纔苦惱時時悲喜戲場中

張子錫嘗自題鏡容今灰矣次其韻五首應乃

郎之索

前刻其一

十九寒交一搢紳

十分中九分寒交一分搢紳而已

武略將軍好舍

人

乃祖正千戶階武略將軍

慣喜迎賓虛左席

實錄也

生憎學女作

西顰玉皇既受三彭誨

見兩陽雜俎

金冶難留七尺身

越絕

書越王以黃金鑄范蠡

即使郎君呼百日畫中未必下真真

畫中

美人名真真某謂畫主人曰祀之呼其名百日則下主人交之生一子其後携子躍入畫中畫中亦添一

子

其二

雲作衣裳霞作紳、詩壇畫譜一才人、苦吟驢背忘高
喝、爛醉蛾眉答淺顰、宅畔大槐依舊國、海山宅有古槐借用南柯事
輪邊小劫可由身、鏡容我亦年年畫、比較今來漸
失真、

其三

乘輿問疾禮拖紳、爾却拖紳禮若人、君房本謝薇垣
直、宋張君房為紫薇省諸郎代筆京兆翻工柳葉顰、海山亦嘗略代西清諸直之詞

海山得二齊姜甚狎祖述不孤雙大老謂不孤其先世二張也

奪投投胎難認三去聲生身西牕昨夜梅花夢仙尉力

平聲教贊子真梅福字也此作夢中戲言耳

其四

玉花巾子綠池紳月旦訛評孝友人巾子旁碾玉作揮花瓶綴其脂

紳必以練却以異色練綠其他故泣鴿晚猶垂母淚

俗人爭自以詭異而盡略其孝友生鵝初不為兄顰詆諧百出嬉三昧雲水千重了一

身見說閻羅仍待制許君鸞崔去朝真

唐伯虎畫崔氏像因題余次韻三首舊刻一首

于建詞描洛浦神。唐君色染博陵身。巫雲已散當年
夢。吳粉空傳半面春。韞玉求沽遭棄置。採薜多事問
新陳。失二句

其二

盤陀江上水仙神。秦繆樓中弄玉身。邂逅一番明月
夜。蕭條幾度杏花春。嫁後形容難不老。畫中顏色易
成陳。憐儂正是文君輩。不嫁成都渴死人。

送張子成之江幕

公子材名本卓然。宦遊翻得豫章椽。青天酒散滕王

閣碧水風吹幕客船佩取司空孤劍在江連秋壁萬
楓懸知君藻思多新賦彭蠡雙魚正好傳

送朱大行

九霄萬里浩無邊黃鵠纔飛隔紫烟子羽豈無修鄭
手賈生原有去梁緣過逢寒士綈袍解告別先公墓
艸芊若到禪齋問燈火夜深如待舊人然

余與朱讀
書禪寺

贈中軍舊識

偶叨書記混名流況遇將軍是舊遊旅次關心供楚
桂軍中留客唱涼州夜寒牙帳城烏集春盡營門海

氣收萬里虎頭方食肉書生抱筆不須投

贈俞叅將公

并序

比年海陸奸宄通市島夷其後漸剽掠居民
壞城郭賊傷大吏以數十於是公本抱負文
武流聲有年承開府之命提孤軍橫艘海中
經涉春夏賊所當無不應手碎者東南萬姓
賴以全活渭以孤遠每思一致緇衣之情而
不有路會公入府城詣提督府中學士大夫
若諸父老子弟知與不知望見將軍麾蓋感

激有涕下者渭於是倉卒集里閤同聲稍知
歌咏者六人各著篇以頌其他散處不在不
量寡昧倘亦有壺漿之意乎

孤城一帶海東懸寇盜經過幾處全幕府新營開越
騎漢家名將號樓船經春苦戰風雲暗深夜窮追島
嶼連見說論功應有待寇恂真欲借明年

挽徐高州大夫

山陰公之
尊公也

句容出宰四方師水部分曹八座知來視長安方幾
日忽摧大老是何時懷橋因梓生悲易出塞還家得

信遲絮酒一卮猶未得、隔年慚愧寄哀詞、

少濱篇爲金子

乃翁知惠州府號鑑濱金子時盛刻已集

兩代高名百不磨、山川其奈兩人何、大夫付與扁舟興、公子忘歸半頃波、無數翠烟生碧苻、有時白鳥浴紅荷、眼前詩景刊無盡、莫恠梨材索價多、

送郁丞入

覲

予家軍籍龍里與丞鄉都勻接又丞左顧失迎之

聲華貴竹數清平、更有都勻亦擅名、少府衣冠真漢吏、上都日月正虞庭、從戎尺籍叨鄉里、下馬荒廬失送迎、此際又從天上去、令人倍憶館松清、

唐簿得獎

醉翁謂其友朱生也

鳳鸞何代獨無之，枳棘卑棲盛羽儀。
挽粟一朝樓櫓去，旌書連夜度支移。
邑多竹色袍俱映，路近松江鱸每思。
黃浦醉翁聞此信，定抽采筆寄新詞。

陳都僉五十

陳嘗藉生員後官雲南海樵山人子也

青衿常向泮宮遊，共識將軍是虎頭。
萬里已曾飛食肉，五旬何事不封侯。
卻因阿大俄驚座，轉憶而翁醉莫愁。
百歲光陰今已半，留貂不解更何求。

送南戶部某考滿詩

送者亦同戶也

楊柳春來未作黃、憐君抱計向明光、省中竝馬騷
無幾、湖內游魚漸覺長、天下征輸空杼軸、年來供給
盡邊疆、定知後夜虛前席、好奏南薰第二章

郭 部翁姬兩壽

峨眉西去倚天長、引瑞流虹聚一堂、麗氏鹿門同日
隱、竇家桂樹接枝芳、酒卮共把雙鸚鵡、簫侶同騎兩
鳳凰、自古陳家擅西蜀、何如今日郭汾陽

呂禮部再燈上元

時呂從杭歸值二月望而再舉燈燕

祠郎宴客敞朱扉、帆葉新從客裡歸、百盞華燈縣未

下兩番、元夕賞應稀、雨餘韭葉開籬剪、雪後梅花遶
座飛、共道勝筵須有紀、不妨投礫引珠璣、

方長公重五餉以江魚枇杷豆酒

江魚銀板枇杷金、綠菽家醅一甕深、方叔特分長命
酒、老夫正按小招吟、且寬牛虎甘人責、莫解蛟龍奪
黍心、萬絮千花馮異二沽泥、啣鳥美人簪、

章孟公招陪葛韓二丈特徵酒姬妙解雄舞辱

貺嘉篇率爾次韻

益豕事阮咸也章長公
名啟謨字孟嘉號太元

翩翩公子信陵君、幾上青山悵海氛、朱亥侯嬴俱上

客。葛。洪。韓。衆。總。仙。羣。杯。邀。去。月。當。天。轉。魚。幸。嬌。歌。隔。
水。聞。最。是。携。燈。橋。上。酌。龍。塘。風。皺。一。宵。瀆。

其二

投。轄。風。流。近。屬。君。坐。淹。鶴。雀。摩。宵。氛。天。河。總。沒。雞。三。
唱。盆。酒。還。澆。豕。一。羣。舞。是。公。孫。新。弟。子。劇。多。優。孟。舊。
傳。聞。安。知。紅。袖。非。優。孟。好。學。三。閭。哭。楚。濱。

再次章君

鄙杜門者八年矣章君餞葛君遠游
至與諸座客并艇枉邀勉爲一出而

章君酒佳甚云七臘矣是尊公使君
所珍物汝墳爾雅及郭璞都作汝濱

妙。醞。端。來。老。使。君。鉤。鋒。正。破。楚。軍。氛。強。陪。東。道。遠。行。

客故笑西河久離群、四座高談仍舊雨、兩年重聽省
新聞、魴魚本自無辛苦、多事樵姬唱汝濱、

沈先輩別歸松江十年再至醉而授筆倚馬懸
河僕目以吳蒙辱贈七律次韻答之 拘體

阿蒙一去東吳賒、三日天風吹海槎、敢言搖櫓遮關
羽、卻喜舌辨如田巴、若箇聽詩願不解、苦予趨韻羞
先華、幾淹白坐不投轄、實少青錢付酒家、

陸先輩乃翁曩謬我以函丈後聞多內闕、先輩
來知其詳可哭也先輩拈詩弄繪亦自彬彬

可人於其去用沈韻追賦沈陸之交也袖鐵

鎚防害云是渠實事

時大奴闖墻故有末句

沽酒無錢賒莫賒。况堪提柳問鰻槎。家本吳山詩似畫。客經浙水字如巴。喑鳴袖鐵爲朱亥。涕淚當筵廢白華。我亦朝昏賸荆梓。幾回舌爛在田家。

陳伯子守經致巨蠋三十繼以漿鱸

二兒北遊久滯每占

燈花又連

旬淫雨

喜有賢人敬長心。老饕長得飫烹任。陳遵甕減封泥。液董卓臍高塞塢。金燈火每占花黯黯。人琴俱澁雨。

沉沉細鱗紫甲宜觴物、酒乏詩窮更漏深、

十月望後反舌競飛鳴四五日

仲夏聲宜收反舌、仲冬何事競聲聲、春秋月令卽無
准、郊藉時鳴底不平、大梵呪長翻黑齒、小蠻曲短換
朱櫻、誰能一一與分別、贏得芳齋自在聽、

送錢君緒山

南昌自古盛才賢、亦仗臯比啟妙傳、肯使異同虛白
鹿、但教升散遶青瑣、文成舊發千年秘、道脉今如一
線縣、況有陽城方予告、好從暇日問真詮、

壽杜通議之父母

侍臣舊立雲霄上，封誥全承日月旁。
雙管鳳簫娛老伴，一函鸞字捧仙郎。
頻年祿養繇珍鼎，此日霞觴注
瀼漿。更喜賓遊來結駟，高門誰不羨榮光。

壽戴柳州父母

松溪舊說神仙令，椿壽今符傲吏言。
過客倉皇驛上座，長公金紫擁華軒。
笑看浮世憂千歲，自養靈臺湛
一元。將挹清光陪杖屨，恨無羽翼卽飛翻。

其二

璧水青衫舊有名、恩波白首喜親承、雙飛老鳳人間瑞、千里神駒天上行、共擬腰圍行束玉、此時心事慳傳經、高門咫尺連滄海、遙對仙人白玉京、

壽張翁

翁年八十儼寒筠、聳骨方頤鬢艾紛、舊種槐枝高入漢、今傾桂醕瀉從雲、兒郎遶膝微搖錦、賓從過門半是文、眼見吾儕是童丱、轉驚五十四年人、

送徐山陰公

捧檄將行夏正中、壺漿西出路重重、三千里外知

明主二百年來有此公。鳬去何亭不畱。鳥雀飛若箇。
爲開籠。真於滿邑南薰裡。別感翻翎一段風。

送葉君子肅訪楊龍泉公

山連閩越最奇觀。君去龍泉幾日看。夜月暫稀禪寺。
會秋嵐。應滴客衣寒。過辭徐禪言相贈。久別楊雄見。
定歡。却說書齋歲云暮。幸相除拂待歸鞍。

干溪許

某

是蠡子山行遇二仙女折松花合其

送往香爐峰上見二人。某他日又見二女合。
其送往秦望山上與二桃一符一詩日子父

母肯合子來則啖以桃而來否者且燒符後
許亦不與父母桃陰置香厨上父母亦不與
來而許輒燒符後視桃不見余登秦望山山
人對余說乃是前年事

求仙尚自隔蓬萊仙子一雙何事來解珮人聞托流
水吹簫去路向瑤臺望中海島茫茫斷別後松花歲
歲開世事如斯渾不解青山落日坐莓苔

洛神圖

旌幢片片引長虹。蓋下真珠絡幾重。洛浦神仙何所

似陳王詞賦宛然同。輕嬌欲墮波先捧。刺繡纔飛。木
自籠雲鬢。雙迴環珮解。可憐交甫暫相逢。

燈夕送張君之滇迂其尊人

今歲風光倍覺饒。無人不去踏虹橋。獨辭午夜千門
月去迂高堂。倍里遙飛蓋。梅花梁苑雪。歸帆楊柳楚
妃腰。此行不爲營名利。要度衡陽雁影高。

送應公子之金陵

公子行遊寶劍輝。寧親綵袖靄庭闈。西園別飲芙蓉
夜。東道誰開燕子磯。萬里江光飛海岱。六朝艸色上

人衣

高皇舊事馮誰問賦得西京雁帶歸

應索柳溪雙壽詩爲張封君

鷓鴣雛絲翼翮青雲簫裏偏娛老鳳羣柳碧一溪開別
業橘黃千樹稱封君遶庭羔雁光流霞映酒翁姑色
併睡看取仙郎無限事鸞封還換幾回文

答次吳靈壁

時虜報頗急而吳約以騎相迂飲邸中

爲郎靈壁苦紛紜預擬精裁一片雲遣騎總無虛左
轂甚恭卻似信陵君遼陽虜騎頻飛羽細柳鑿與自
勞軍縱使馮唐頭白盡太都不分日摘文

寄散亭

幽亭初落禁城新、御墨旋飛寵近臣、金馬從來宜大
隱、銀璫何遽乏高人、卽馮闌檻晞春髮、未許溪山乞
此身、不信試看鷗鷺侶、翻飛長在鳳池濱、

送鳴教

總戎柱史皆
其東道主

高鳥時時集上柯、高人日日結鳴珂、總戎事業簪貂
近、柱下風稜避馬多、憶昨爲予悲四大、祗今誰不讓
雙蛾、因君一寄倉庚炙、欲唱丁儀奈晚何、

某某兩君舊主人招之相繼北去

無奈長安道路爲兩年兩度去相知。畱連舊醴東家
在。悵望佳期北斗移。邵伯倉蚊連夜鳴。河間紅樹早
秋梨。當年我亦經行此。渴後如拳馬上提。古仙詩北
斗團團曉
柄移有似佳
期常不定

朱伯子以恩貢首選北上

送之

乃翁嘗知彭澤仲蚤入史

館

莊雅

寶昨風雲應六龍。丹霄烟霧矯雙鴻。君王虎觀纔陪

輦。女弟蛾眉早入宮。梨栗可嘲彭澤子。賢良交辟大

馮公。黃門慎莫催廷對。正在從容論及儂。遠想

玉簪盛花嘲之

燕中玉簪若干盆若干錢而越頗賤之

去年百葉僅遮根、今歲千花爛壓門、帶珮銀鈴搖綠、
帳琵琶玉肘滿烏孫、時從鬢底嬌臨鏡、曾記燕中賀、
論盆秋後芙蓉憔悴盡、啼烟泣露領江村。

送趙某丞瓊山偕乃弟贛州興國典史竝往之

任海公名瑞者正其治也

趙上虞人孟嘗還珠亦上虞人

三千里外梅花嶺、十八灘邊雁序心、一葉烟中親渡、
海雙鳬堂上伴彈琴、官廉合浦珠仍返、鵬在南溟縣、
正臨匹馬儘堪長問政、雙松應蹙輟高吟、

倪君某以小象托賦而先以詩次韻四首

第二首倪

詩以略誤推我設色畫多用醜黃作底

倪頗清瘦又嘗客吳携一吳童歸阿童王

濬小名歌見古樂府九方臯爲伯樂給薪

第三首倪詩以黃祖諷我倪有孝友名我

故獎以黃童黃香小名也又以幕客諷我

故有末句前首終童亦終軍小名也亦喜

禪象頂裏幅巾似冬僧第四首倪多文亦

稍傲睨象邊一童子煮茗倪別有七言絕

諷我云猶喜曾無江夏權謂我幸無

權耳不然卽一黃祖也悞矣悞矣

卽看負劒游吳客終是拋繻入漢童阿堵虎頭雖易

擅浮丘崔相本難工敢於玄白嘲楊子尚恨丹青敗

乃公筭更難描誰面目矮人咄詫戲場中

其三

評慙王濬推王猛、影伴吳童唱阿童、飯顆山頭吟總瘦、雌黃舌底吮難工、誰能相馬如薪者、若箇描龍不葉公、忽憶人心如面語、須君着屐九廻中、

其三

只知江夏多黃祖、那知江夏有黃童、宿蚊木易輕統散、老蠹猶鑽故紙工、游戲巾裾畱髮佛、扣叅聾啞大家公、慚非十九人中客、付與毛錐玷畫中、

其四

徐文長逸稿卷四

三七

注經筆遶三墳簡、炊茗烟籠五尺童、秋水瞳人雙眼、
白春風剪子百花工、無權江夏今誰箇、有用雲林舊、
是公欲扣北方應、不對子綦正在喀然中、

壽吳溧水

湖州人

西來天目碧嶙峋、中有茗溪產異人、昔日臨文俱入、
妙、今來作吏更稱循、栽花潘岳垂青簡、飛鳥王喬覲、
紫宸、自是生來多道氣、非關嬰姪出黃庭、

送張會稽公入

鯢石洲公

霜白天寒艸欲枯、旌旗高捲出名都、不將竹箭爲方

物但學循良似漢儒。宮闕近聞修五時。君王自
合訪雙鳬。卽如明府生民命。莫對神仙有與無。

春日蕩漿鏡水

效體

短槳長橈出鏡湄。弱羅和日本相宜。廣原積綠催芳
急。幽谷新鶯吐韻遲。襍蕪攪絲飄。易斷柔波排荇蕩。
難移麗候佳辰應。靡待飛觴緩遽棹停追。

緋桃篇

桃花映戶復臨池。聞道穠芳滿上枝。誤落自依裙帶。
繡乍開猶學口痕脂。添粧影入玄雲鬢。折寄香隨錦。
婦情

字詩借問世間誰得似鄭家紅袖倚門時

奉送林山陰公赴戶部

聖主凭軒策士林使君綰綬拜山陰事當流水纔援
筆縣傍高山好弄琴天闕徵書隨鳥急地曹分署映
花深東南財力公俱悉會計應勞夜夜心

幕府游武九曲令擬詩

時兩道者縣居
削壁下迎幕府

翠蓋高牙停曲徑仙宮廣樂導清游風傳短吹音還
遶山夾迴溪影自流關尹預占函谷氣桃花故引武
陵舟歸來別有笙歌擁看月重登庾亮樓

王將軍再邀觀獵予方歸越不赴

車騎環林欵客扉東裝初罷曙鐘微西陵自喜揚帆
渡東郭遙憐控馬歸荒艸迴堤天共遠鳴鑣撲地鳥
俱飛懸知行樂無過此何事朝朝與願違

鞋盃嘉則令作

南海玻璃直幾錢羅鞋將捧不勝憐凌波痕淺塵猶
在踏艸香殘酒併傳神女罷行巫峽雨西施自脫若
耶蓮應知雙鳳畱裙底恨不雙雙入錦筵

送績溪胡氏兩公子

翩翩公子鳳毛長，幕裏辭親彩服揚。
共羨連枝承雨露，那堪分手在河梁。
天邊並馬看飛雁，篋底分衣認佩香。
自古世臣元濟美，看君此去有輝光。

送同知王白竹公

幾年佐郡已資深，金馬懸知有陸沈。
捧檄重來渾了事，拂衣歸去本初心。
綺琴暗憶瀟湘雨，粉署真尋暮夜金。
桃李戀春畱不得，祇培棠樹長清陰。

王母壽詩

王之臣乃母臣
自編世集索詩

鄉里爭傳太母賢，世家親是長公編。
半生辛苦流奇

等百歲榮華表暮年白髮當尊搖鳳翟綵衣遶座拂
雲烟此時定有添籌祝不放金陵酒似泉

寒食後駱君携酌次其所示別作韻答之

破鎗長拾鵲巢柴忽枉行厨向此開笑引醇醪對公
瑾悲生寒食哭之推竹書劫傍渾應燼花雨天愁亦
懶裁海水海風鵬翼盡切堂偷此一浮杯

駱復用韻和答再次之

舊猗一束嶺南柴五葉傳花自此開顧我久無傾蓋
語多君剩有法輪推隣園笋色班如淚客甕梨春醉

未裁盡道高陽擔麴葉誰憐有託付深杯

賦得雲渠篇贈親交馮君

年來懶向紅塵地喜與馮君結社遊數片寒雲迷野
展幾條秋水掛高樓分爲池沼搖明月獲卻魚苗打
白鷗聞道十洲元不遠要通一派接扁舟

劉伶鍾

片鍾縣車鍛者誰定知叔夜爲儂鍾柳邊幾受寒泉
淬音翠花底長陪醉客嬉四大還家何用爾一時奪彼
弄喚伊古來兢詫甚弘血化碧當年若箇知

仲春有客登西興鎮海樓觀潮寄詩答此

爾眺西陵展妙裁我依南郭塔如灰徐娘洵老多情
去枚叔觀濤七發來片鍾任埋償酒業雙魚長跼正
花開比萊庄上

是其庄名

門如水碧草茸茸抱鹿孩

吳子明際訪蛟門訪沈嘉則諸名公

吳郎少小解聲詩月露風雲薄不爲孔雀東南

古樂府詩

題

將許偶關雎窈窕是其師忽思海畔推諸沈欲拘

榴花寄一枝

時五月三日

不若買舟親訪卻深談正是日

長時

十四日飲張子蓋太史宅畱別

久繫初出明日游天目諸山

斗酒那能話不延此行無事不堪憐
弓藏夜夜思彎日劒出時時憶掘
年老淚高梧雙欲墮孤心缺月兩
難圓明朝總使清光滿其奈扁舟隔海天

五十生辰吳景長携諸子弟餉予園中

回頭四十九年差兀兀將身伴肺嘉

石名太古以石為獄齒數

真慚虛犬馬枝幹猶記渾龍蛇
縱令百歲能餘幾况復孤舟未有涯
多謝諸君畱醉久棘牆新月上梅花

雪中市樓火

時有新聞

千門六出枉滕翁一爐飛翬了祝融正訝瓊臺穿電

急瓊赤玉相沿誤用耳忽驚海竈煮鹽空餘花落座涼焦額泮

溜隨人泣斷風插漢水心知幾座昨宵新爍兩高峰

送周縣公量判南康府職捕盜

鳴琴臥治正相安忽作監侯水國彈司馬江州行擊
楫少年湖上正探丸青牛谷秘遺經在白鹿山空講
席寒餘力不難興絕學預爲吾道一彈冠

雞聲聞雞起舞左傳賓孟見雄自拔其尾問之侍者雞自憐爲犧也李白詩有何日金雞

放放回蓋以雞竿啣放書唐制也

夜郎詞客絕羈栖。江左微輸餌牧羝。無事着鞭誰起
舞。不煩喻詔正堪啼。雄吭莫殉青天曉。利嘴留防綉
瓦齊。自古擅名危不細。每因呷喔首爲低。

其二

自許圓吭全令惠。未輸丹頂擅鳴臯。香消幾喚山牕
午。漏斷頻呼海月高。杜曲儘教催鬢老。秦關曾放竊
狐逃。翰音也是登天物。肯向梧桐羨鳳毛。

蛙聲

埴井之蛙盛談其井中之樂以矜東海之
驚出莊子公冶長被縲再得鳥言而解雪

晉書佛圖澄聞塔鈴日言國有大喪亡而石
勒果死此詩謂鳥能言則蛙鳴必是言矣且

鈴無情與蟲鳥異尚能言今雖有言可忽之
而若聾若聵耶但無佛圖澄之聰聽耳戲咏
也

綠蒲池畔渾蠻語明月樓中攪客眠東海劇譚當此
夜華林一問幾經年鳥言雪後人應老鈴杵風吹話
自懸况是含靈苦饒舌不應聾聵付茫然

其二

微蟲亦藉語言通細雨黃梅處處同近水人家喧鼓
吹隔牕燈火課兒童爲儂作計無如啞縱我能聽亦
似聾寸艸尺蛇須仔細莫教花落怨東風

蠅聲

後秦符堅將赦自艸詔甚秘忽大蠅集
端已而化爲人呼長安街市洩其事

能亂黑白敗壁然畏蜴又能亂雞聲月未

又小雅曰營營青蠅止於棘讒人同極交亂
四國蓋以此人之讒也夜朝之朝音潮重指
齊侯事四靈訓麟鳳龜龍蘄州產綠龜俗云

能辟

蠅

報赦先來呼外市含煤欲去敗連城竟窺趙壁秦廷
入公向秦王遠筆鳴午曲故繁欺蜴睡夜潮真誤與
雞興何人已墮營營弈枉擬蘄州買四靈

其二

時呼綠袷過關內更挾朱脣乞醉鄉遶座呼嚶聲止

棘乘風宛轉共吹簫。翻嘶晏塵香徒辟。一亂辰雞夜
正長。愁殺滿城簪艾客。兢將雙耳抹雄黃。

蚊聲

南薰吹漲綠胎蟲。插喙如芒響不窮。飽噉已馮喧夏
月哀吟翻苦怨。秋風一城市客朝難外。百甕醺雞晚
瀝中施與皮囊枯。亦得只愁無計作家公。

其二

秋屑應候自應花。夏帳誰能障爾譁。萬馬迎風飛箭
鏃。片潮隨雨上江沙。籠巾較可蒙頭睡。傷耳難教借

鬢遮聞道靈符能絕響欲從勾漏覓丹砂

送某公遷南戶部

馬上尚書白面郎居官新喜舊周邦齊梁花月談雙
燕淮海風烟隔一江積水游魚中庫板白粮紅粟里
人艘西臺御史生祠在專待君侯與作雙

雪中紅梅次史叔考韻

雪中最妙是紅梅慘慘團團併作堆幾點粉腮嬌入
座數枝濃淡巧塗腮繁華種裏仍如雪蜂蝶叢中任
去來醉後移燈玉闌畔嫦娥扶影上瑤臺

史叔考荷河汀號篇

若耶溪水積長汀、中有荷花出藻萍、葉底嬌歌蓮女
亂晚來、睂黛遠、山橫紅衣倒、護雙栖、鳥綠澹時波一
片冰、結社此中應絕勝、欲從何處覓蘭亭、

潘子以落花紅滿地爲題令賦

自古有新終有故、從來無故亦無新、風雨不禁三夜
擺、乾坤別換一番春、醒憐滅燭逃紅粉、醉臥沿堤爛
錦裯、若使黃金能鑄帶、至今桃李屬安仁、

張封君輓詩

杭人也種茶竹五畝於一片雲所一片雲南山奇石也

五畝茶園萬竹紛，艸堂何歲去徵君。
紫苔漫蝕千金劍，蒼蘚愁枯一片雲。
級予郎官從日下，人稱長者
江間細詢湖上藏舟處，倘竝孤山處士墳。

某平湖詩應索

泗州人號築野姓傳
時知平湖縣

有客携我青絲壺，半側儒冠說宦途。
泗上風雲猶聖祖，江南桑柘數平湖。
歌謳一國誰能借，美刺隣疆亦豈徒。
兩點傳星明出宰，君王連夜夢雙鳬。

予奇梅嶺之松，客有誇予以滇者。

客行猶記五更鐘，萬樹梅關東復東。
忽作波濤初雨

後蔚如烟霧遠看中。近聞萬里歸人說。更訝千盤薄
漢雄。物產絕奇安有極。高昌虎珀照天紅。

紅葉

朱顏晚作鏡中姿。紅葉秋嬌野外枝。愁緒幾宵催鬢
髮。林霜一夜老胭脂。寒村半映烏栖處。破屋偏堆柿
爛時。蓬底一梢尤妙絕。漁舟絕勝蓼花維。

酌張氏山亭時病瘧歸後復自酌至醉東此
隔林携榼近庭闈。舊業新祥兆不違。竹下彤雲芝一
本。松間綵線雉雙飛。媚筵小洞迎苔出。挂嶂涼絺帶

翠歸醉後可容逃瘴鬼。夜深重調酒兵圍。

風木篇應索

鳳陽人舊爲南戶部郎曾定松糧
叛卒竝參聞

建業風烟宦邸身。曾收叛卒蕩京塵。鎬豐宅水龍飛
地。劒佩趨庭鳳起人。早歲弄雛歡不少。夜風搖木涕
何頻。近聞佐伯留閩海。蜩蛤菰蒲併是春。

送某君之京

春宵燈後雪初晴。抱劒封書事遠行。廿載酒尊皆北
海。一朝才子獨西京。棘牆付與啼邊淚。柳岸應愁別
後鶯。若顧蹇驢尋好景。有人說我舊游程。

季子賓五十

謂賀生子第二事。○有一副室。

纔見青衿紺領圓。五旬頭白一何便。通家忽已經三世。問齒真慚大九年。誰見買蘭秋不子。從來稱驥老能先。兩般賭勝看高手。急敵茅齋備客筵。

長至呼大兒飲

馮將坐息準歸陽。道吸禪呼鼻。齋長雙壁再迴圓。篋赤片葭初破卵。泥黃糟醕難自睡。長日豚犢能忘祗大楊。百命今朝生意始。一門灰槁斷人腸。

送某君暨其伯氏還松江

燕市相逢已莫春，弟兄傾蓋往來頻。
海天一日歸，雁柳色長亭。悵幾人等是苦辛。
尤日莫漸逢蓮藕始，鄉津不知黃浦秋來。
川醉後同誰網細鱗。

送子肅赴三圍營

時子肅病喘人謂其行也不宜煤坑故賦此慰之戚總其

舊主

也

萬里從戎赴朔屯，新秋騎服雜涼溫。
南人煤火滿京國，東道高牙壁薊門。
貂賤不妨吹季子，劍長久已識王孫。
客中如此良堪住，枉說風沙晝夜昏。

壽王龍石二府

使君稱壽紫虹纏輿頌臺歌美盛賢銅章曾佩二千
石玄髮新晞六八年此公正四十八歲高峯白雲留省署歲
星金馬舊盤旋茲辰正值稱觴候剝得蟠桃出帝
筵

其二

海國紛紛豔菊枝和風偏薦小陽時慙爲桃李蒙春
色喜借松筠什慶詞輦下文章黃甲第江南財賦白
雲司莫言佐郡淹明府玉珮行看集鳳池

代某往壽

椿葉萱條本並芳。授經和膽亦同行。如何此夜瞻
極獨伴長春映北堂。舞綵翻嫌非其慶。霞章行看出
明光。抽毫作頌期他日。百歲流霞滿玉觴。

送府學某師推處州

時方攝餘姚而衙多如侍處州盛以露醖四方多求

販名金盤露
郡衙對萬山

扶風帳底舊吳娃。把燭今番照削瓜。秋露滿城醅酒
邵春雲數片對山衙。禹嶠舜川題正急。嶺猿灘雪去
何賒。莫言桃李俱回首。爛艸孤心一夜芽。

樂閒園詩

神虎卽神武也六朝以來以虎當武或因國諱耶其人司幕布政

卜築名園別有村，祇憑魚鳥送芳尊。一冠神虎懸薇幕，五樹鳴蟬種柳門。世上督郵應不少，里中親戚豈無存。歸來一話何妨却，拋擲晨光直到昏。

馮伯子新居是三月望

居在飛來山下鄰學官浮屠如居紫金街

新居明月滿天街，夜踏春陰若箇陪。一自紫金辭舊伴，羸將蒼翠遶飛來。紅芹笑指宮牆傍，白塔閒看鶴窟迴。未必三遷專爲此，却因得此恣新裁。

魏文靖公卮貯以梓匣輒賦

魏公名驥，蕭山人，史部尚書謚文靖。

余觴符海螺而已，故有紅螺白醪之句。杯得之水澄，劉氏之先世以石米買而制如一。

小荷葉 梓木有紋曰
鴛鴦錦

珍臺鑒蓋妙京畿。若箇豪家不打歸。舊買紅螺俱與
率新收白額。總遼稀。不辭梓檢鴛鴦錦。那取蘭陵琥
珀飛。莫問鰕生辦不得。卽令辦得惹翁嗤。

俞母節詩

無錫俞翁與母訣書水心雪操四字
母遵之教其子成進士時同知紹興

俞大夫汝成工詩故永其母者儻有雅排

藁砧一別淚闌干。冰雪遺書墨未乾。每執寒燈看不
盡。獨居羅帳歲將殘。紅粧久歇孤鸞鏡。白髮仍簪五
鳳冠。地下相逢應有問。丈夫猶自立孤難。

俠者

縣門一見不通名、人肆開尊俠氣生、却說吳中姓梅者、曾過燕市吊荆卿、路逢知己身先許、事遇難平劍欲鳴、自古英雄成濟處、也應若等爲橫行、

與季長沙老師及諸同輩待宴太平葉刑部先

生於禹廟

時老師值生日葉自太平遠來亦避賀生也葉與老師昔同官南部

長沙太守西曹吏、從在南都數往還、舊日爲郎俱白首、今朝稱壽對青山、萬松夾道將成石、一水當階恰抱環、陵寢年年謁春旦、偶因嘉客得重攀、

吳學師爲白賁將軍索賦

勅書樓

樓在南昌以孝行

褒書

高樓內苑隔塵凡、細雨斜通南浦帆、祇爲承恩自

霄漢、不關招隱向叢巖、瑞雲偏捧啼烏樹、繡拱端居

賜璽函、聖孝由來感麟趾、風人因得撰周南、

順昌諸友約陪遊武夷後俱不赴道中追憶

勝遊曾許得相親、獨往仍憐舊約頻、飲馬溪邊花照

水、更衣樹下雨隨人、青山盡繞官程曲、紫氣長留蜺

骨神、自識仙踪杳難覓、歸來笑說武陵春、

過許君精舍

岱輿

高門偏自傍城隅，車騎迎賓席每虛。
西去垂楊臨大道，東來流水遶清渠。
牕疏積曙晨搖筆，花樹栖螢夜映書。
更喜數爲文字飲，新秋還得慰僑居。

季子守宅觀音蓮

昔聞火裏蓮能長，今見蓮從陸地栽。
廣葉祇馮圓性轉，麗花全借法身開。
叢搖寶鬘風中去，氣遶梅檀雨後來。
試問集觀誰具眼，解將真見聽飛埃。

送允大周君北上

時燕別於西湖

新開彩鷁正相催。別燕偏臨湖水開。燕市酒徒還未散。漢京才子訝重來。繁花拂棹含輕霧。小伎鳴箏掩薄雷。却說追遊能幾日。連鑣重遶大堤迴。

壽胡令公

時督撫浙直江福

幸從羣彥集芳辰。申甫生周別有神。以德旣堪三壽頌。將身却奉萬年人。劒光激座催歌急。海色流杯送酒頻。更取一卮飛作雨。江南無地不陽春。

奉送布政使胡公督撫江西

號柏泉視陝學疏北虜策行世

南國甘棠付召公。新銜兼掌一方戎。手握兵符分閫

外身披儒服坐軍中樓船自映行邊水甲馬偏嘶戰
後風寄語採丸誰氏子請纓曾上漢廷封

行經玉山吊孫烈嬪

孫士人家也無子蓄一妾身遇賊袁三嬪欲全妾身

佯代之隨賊度妾去已遠始罵賊賊剗其五內砍錢緒山公命作

桃花含子怯風殘少嬪捐生爲所歡趙氏存孤較猶
易木蘭替父不爲難鏡中玉靨迎刀碎頭上金鈿照
膽寒此際白虹應貫日非關易水別燕丹

齊雲巖

嘉靖間勅新之

漢京何用祀神君福地仙居處處聞懸水千絲非雨

散層山百葉是蓮。勻鋪明上與毫光合。瓦碧平將樹
色分。莫道無如明主切。萬年應馭鼎湖雲。

嚴江茅大夫見贈賦答爲別

鹿門

漢將移軍細柳營。每從高會聽鳴箏。惟應落帽當筵
醉。那取從軍載筆行。彩鷁停風維曉岸。斷鴻隨雨入
秋冥。江堤芳艸霜中盡。明日將誰寄別情。

答嘉則

才子能文幕府收。將携鐵劍副行舟。碧幢近映江光
暮。彤管遙分樹色秋。萬里烟波雙伴影。幾羣鳬雁二

滄洲回看天際冥冥處搔首西風動客愁

崇厓

崇厓薄瘴接遙天兵馬宵征踏月圓漸度重關增曙影半留行竈滅炊烟萬山束路通千里二水分流各一邊蜀道傳來還覺險高歌一曲使人憐

北上別丁肖甫於虎丘

少年同學共青瑣一劒孤飛何處天別後相思應與共向來心事尚難傳樹連古道冬催雪水泛寒燈夜泊船自是陽關歌不得祇馮尊酒醉君前

徐州道中寄諸陶兩翰君

南明念齊

敝裘短策去翩翩。昨奉離觴似隔年。
目送浮雲悲遠道。心隨飛鳥向遙天。
河流遶岸紛成渡。馬驟將塵踏作烟。
客裏自甘如此景。不堪持贈玉堂仙。

贈錢君

錢龍泓時客京師以翰藝自給
有封侯出鎮者百金要之不赴

將携彤管遠行游。燕市羈栖歲月流。
白壁不逢知己獻。黃金曾却貴人投。
歸看破匣幾緡在。出鎖閒房一榻留。
好與南州徐孺子。時時同醉酒家樓。

香山寺僧方荷能詩出其師護松號冊索次

壇畔蒼松綴紫苔，遠公會記昔年栽。不教秀色流華屋，只放疎陰覆講臺。愁爲石化將鱗去，喜作濤鳴雜梵來。却憶吳山五千樹，寸秧盡是老龍材。
中峰和尚種松五千本於吳山今皆連抱矣

送葉子肅再赴閩幕

我昔曾操記室文，君今又作幕中賓。共憐蹤跡隨萍梗，誰道詞章動縉紳。楊柳自抽離客思，櫻桃初學美人唇。此時欲別難爲別，况復啼鶯弄曲新。

送季子微北上

乃翁彭山老師服方闕求志閣

吾師有子舊承顏、千里徵銘館閣間、去綰數金酬綵、
筆歸鐫片石、藏青山、野棠立馬人辭、墓津柳迎舟客、
淚關滿眼臨岐、雙涕淚、不因爲別故潸潸、

乙丑看迎春

詩病初起

青帝鑾旂繞大提、東郊仗引協羣黎、枝輕已作開花、
意履重偏多奪、綵泥一道風光隨曉、騎兩行、簫鼓雜、
春啼、微疴豈只都除、夜兼得陽和滿袖携、

病起過仲虛山人遷宅

山人第宅幾經遷、景物無如此地妍、西去河流通郭、

外南來山色落簷前。賓游併作桃源覓。魚鳥真成鏡裏懸。病懶數過翻覺易。小舟隨釣繫離邊。

送彬仲應貢北上

經閣詞林早擅名。莫將難遇嘆平生。已通薦藉非無路。不負相知在此行。萬里桃花添馬色。一行征雁渺離情。定知後夜相思處。獨坐山居對月明。

壽王光祿

芳園本自樂嘉賓。况值生朝集慶辰。皓齒定知翻壽吹。家僮善音長髯應許竝仙人。君美飛觴候月心。耽夕抱

不才
三
甕澆花手占春，最喜陽和如有意。流葭初動管中塵。

園中懷宗師馮公寄呈

少洲公時陝右使

長從日下望長安，花鳥驚春幾歲闌。分陝秦藩雙岳重，傳經吳館萬松寒。叨陪國士蒙知易，誤飯王孫覺報難。却說更張慚妙手，翻令一曲繫南冠。

鳴教五十

海東幕客總翩翩，旦日筵開海嶠連。百歲易過今已半，一生難遇各成憐。飛花自滿談經宅，帶艸時縈辟蠹烟。更欲與君論箇事，不應身世老蟲箋。

節慈篇爲吳通府公祖母夫人賦

夫人新寡時通府之父方

提抱後亦爲州判官葉子肅至自休寧爲索之而作

青年粧粉久辭勻。婦節親慈世所聞。身作孤鸞惟照影。眼看雙鳳遞凌雲。嬰情繡襦山俱重。結念并刀水不分。病起已拋人世事。轉因題咏淚紛紛。

景文三十生辰次韻

于家後代應高門。青鬢流光遶幃痕。剝曲相思老朋友。習池遊戲好兒孫。芳年易去將誰怨。末路難酬是子恩。稍喜籠中鳴雁侶。聯翩作字叫天閭。

王先生示其夫人哀詞賦此奉慰

白頭青鬢久相知，不覺音空手下絲。
機斷舊成羊子學，飯餘今憶孟光眉。
西天花雨重生路，南國樛陰逮下枝。
却說碧霞池上鳳，幾回着意伴英雌。

讀張君叔學所作姊氏狀卽王先生配也用前

韻寄之

屈原姊嬃每自潭水歸慰原叔學宅白魚潭每舉輒落迹稍似之

女嬃遺事弟親知，書罷雙懸淚若絲。
潭水每歸憐放逐，粥爐無復燎鬚眉。
班門有女成三士，竇樹如君占一枝。
好志不應無外史，豈將文字鬪雄雌。

送金先生宰武康

昨歲承顏畫地中。看君道氣暖融融。顰辭飾鷺升堂鼓。去泛仙鳬送舄風。芳佩陸離紛水艸。短蓬朱碧寫江楓。極知望氣須雷煥。不到豐城意轉慵。

送御史大夫趙君節鎮川貴

說得冕玉

霓旌萬里擁樓船。共說牂牁漢郡年。秋浦送人歌白苧。夜郎吹笛待青蓮。兩藩重鎮盤江合。五姓蕃君後殿延。北極從來俯南陸。好將柔遠答皇天。

夜宿龍南山居聞梵

寒林禪室數燈懸。清楚纔開客未眠。去遠依然歸夜靜。來遲猶自戀香烟。性靈微觸經衣上。僧散餘鳴遶壁間。聽滿十方何所礙。修行誰證耳根圓。

送王君入監讀書

新建應襲

繡裳赤舄事征東。麟閣曾經論武功。聖主何心收甲綬。遺孤今日大山中。過辭家廟貂蟬在。獨上關河雨雪融。寄語伯禽多自愛。成王原不忘周公。

殷孝子詩

盜將刃其父。奔代之數言而解。

心上經綸元皎皎。眼前圖牒總班班。若令成父於人

手何用生身在世間、一念未萌看惻隱、片言排難見
機關、因之忽憶移忠事、不信諸君不汗顏、

送李縣赴調

養虛公

好將寵辱付浮漚、公道於今何處求、誰謂一春淹別
駕、又飛雙舄向神州、秋歸遠水行應杳、夜發輕舟挽
不留、楚璞由來天下寶、不妨明主再三投、

送新昌某學師諭告致還南康

絳帳中橫半席青、鄰庠猶自識先生、傳經鄉國聞朱
陸、並馬吾師是弟兄、漢室尚須垂白召、明時何事拂

衣行試教別後從西望、還有春風到小亭、

次日復酌於鄰舍登飛來山訪浮峰上人

瑤榭瓊臺望轉深、紅雲穿日散輕陰、天留霽雪教人賞、地放寒梅要客尋、閱歲已知頻改易、逢時何處不登臨、悟來自笑渾多事、何用題詩在碧岑、

贈李遼東

十載棠陰滿郡中、更慚桃李倍春工、江南高枕新司馬、遼左長城舊總戎、笳吹閒飛蘆渚月、樓船時泛錦帆風、太平坐致今如此、猶費深籌畫燭紅、

登滕王閣

南浦雄州開水上，高臺積翠遶天涯。
匡廬地遠連秋樹，荆楚山長入晚霞。
新閣不巢唐幕燕，莫林多下漢江鴉。
歸船便取章門路，西去郊原日易斜。

人日立春

年來日日風清日，今日風清更可人。
遙獻美湯憐送節，更聞金勝簇新春。
烟添柳色看猶淺，鳥踏梅花落自頻。
東閣早時聞一曲，却令和客不勝新。

每過充輒擬謁闕里，轍阻追賦三首

前刺其一

明珠不解捨衣邊日。禱驪龍在自虔。借問儒家懷闕里。何如佛子慕西天。片香幾買經過日。萬木終懸會葬年。只尺翻來一不至。是誰騎馬倩誰鞭。

其二

如一豎牧千羊。博取三墳覽百王。誰越殷周徵夏禮。獨餘江漢寫秋陽。孫枝歲久龍鱗暗。翁仲霜濃馬鬣長。不用今朝愁不至。年年此路自堂堂。

聞有賦壤超崔者。予嘗傷事廢養羸眩致跌有臂骨脫突肩曰。昨冬涉夏復病脚軟必杖而

後行茲也感仙癯之易賊羨令威而不皆橫

楊哀吟輒得十一首

前刺其五

兼兼借比未能雙盡日鴛鴦戢在梁丘伯易占何相
薄盧生難軟片鮪僵年來羅網渾巫蠱爾輩瘡痍尚
稻梁騷簡半爲魚所盡淚痕多是吊鸞凰

其二

令威絮筆不勝痴遼海羈雌別怨賒半取水純欹篋
扇雙遮鐵柱插江沙悠悠一念終銘石掃掃孤簷且
落花安得徵君三百字暮潮秋雨洗龍蛇

陸子寄餅

餅餌枚枚旨且柔。老齏呼鈍也。餽餽菜園此日來。羊
腳蔗尾何年到。虎頭醉倚西鄰招禴祭。戲將南向問
骷髏。因之忽憶而翁睡。一覺今年三十秋。

史甥以十柑餉

黃柑久矣斷衢州。甥也何來十顆投。照酒影中陪皺
面。無鹽腮畔落粗癭。小兒塞上嘗寧得。病老床頭渴
正求。我欲爲儂添一傳。大蘇先許拜穰侯。
穰侯見大蘇黃柑傳

徐文長逸稿卷之四

終